

Ժողովրդական Դեմոկրատիայի ՍՏԵՓԱՆԱԿԵՐՏԻ ՔԱՂԱՔԱՅԻՆ ՍՈՎԵՏԻ Ն Ս Տ Ա Շ Ի Բ Ջ Ա Ն Ը

Ժողովրդական դեպուտատների XX գումարման Ստեփանակերտի քաղաքային սովետի 6-րդ նստաշրջանը քննարկեց ՍՍՀՄ սահմանադրության փոփոխությունների ու լրացումների մասին օրենքի նախագիծը:

Չեկուցումով հանդես եկավ Ստեփանակերտ քաղաքի ժողովրդական դատավոր, դեպուտատ Վ. Ասրյանը:

Սահմանադրության փոփոխությունների ու լրացումների և ՍՍՀՄ ժողովրդական դեպուտատների ընտրությունների մասին օրենքների նախագծերի վերաբերյալ իրենց դիտողություններով ու առաջարկություններով հանդես եկան Ղարսեռաքակոմբինատի կուսկոմիտեի քարտուղար, դեպուտատ Ռ. Քոչարյանը, արտադրական կոմբինատի բանվորուհի, դեպուտատ Ա. Պետրոսյանը, ԼՂԻՄ 60-ամյակի անվան էլեկտրատեխնիկական գործարանի դիրեկտորի տեղակալ, դեպուտատ Կ. Պետրոսյանը, կուսակցության քաղկոմի երկրորդ քարտուղար, դեպուտատ Հ. Մելքումյանը, կաթի կոմբինատի բանվորուհի, դեպուտատ Լ. Բազյանը, նոր գործարանի բաժնի պետ Օ. Մելքումյանը, ՍՍՀՄ 50-ամյակի անվան կոշիկի ֆաբրիկայի բանվորուհի, դեպուտատ Ռ. Ջանյանը, անհատական թոշակատու, դեպուտատ Ա. Բալայանը, քաղսովետի գործկոմի նախագահ Մ. Միրզոյանը, կոմիտասի անվան երաժշտական դպրոցի դիրեկտոր Է. Ղազարյանը, Վ. Ի. Լենինի անվան տպարանի դիրեկտոր Յու. Ներսիսյանը:

Նստաշրջանը որոշեց հաստատել ՍՍՀՄ սահմանադրության

(հիմնական օրենքի) փոփոխությունների ու լրացումների մասին և ՍՍՀՄ ժողովրդական դեպուտատների ընտրությունների մասին օրենքների նախագծերի վերաբերյալ դիտողություններն ու լրացումները և դրանք ուղարկել ՍՍՀՄ Գերագույն սովետի քննարկման: Հանձնարարվեց քաղսովետի գործկոմին շարունակել քաղաքացիների և աշխատավորական կոլեկտիվների առաջարկությունների ընդհանրացումը՝ դրանք ուղարկելով մարզսովետի գործկոմ՝ ՍՍՀՄ Գերագույն սովետին ներկայացնելու համար:

Նստաշրջանը Ըշեց, որ Խոջալու և Մալիբեկու գյուղերում շարունակվող անօրեն շինարարությունը ապակաշունացնում է իրադրությունը քաղաքում, խնդրեց ժողովրդական դեպուտատների մարզային սովետին՝ առաջիկա նստաշրջանում սպառիչ միջոցառումներ ձեռնարկել կարգուկանոնը ու օրինականությունը վերականգնելու, մարզի սահմանադրական իրավունքները պաշտպանելու համար:

Նստաշրջանը կրկին հաստատեց քաղաքի աշխատավորների վճռականությունը՝ հաստատակամորեն հասնել Լեոնային Ղարս քաղի պրոբլեմի արդարացի լուծմանը, Ադրբեջանական ՍՍՀ վարչական ենթակայությունից մարզի դուրսբերմանը:

Նշվեց, որ ԼՂԻՄ-ի աշխատավորների սահմանը արդարացի է, բխում է ՍՍՀՄ սահմանադրության հիմնարար սկզբունքներից, ամրապնդված է նրա 1-ին և 70-րդ հոդվածներում և համապատասխանում է միջազգային-իրավական համընդհանուր նորմերին:

Նշելով, որ հանրապետական իշխանությունները պարետային ժամի և հատուկ դրության քողի տակ ուժեղացնում են մարզի գյուղերը, ավաններն ու քաղաքները ադրբեջանցիներով մասսսոկական բնակեցնելու քաղաքականությունը՝ ռեզիստան էթնիկական կազմը և դեմոգրաֆիական իրադրությունը վտխելու նպատակով, և հաշի առնելով, որ պարետային ժամի պահպանումը օժանդակում է այդ հակաիրավական գործողություններին, նրանք նստաշրջանը խնդրեց ՍՄԿԿ Կենտկոմի և ՍՍՀՄ Գերագույն սովետի նախագահության ներկայացուցչից՝ վերացնել պարետային ժամը, մարզային սովետի առաջիկա նստաշրջանին խնդրեց քննարկել ու պաշտպանել այդ առաջարկությունը:

Հաշի առնելով, որ ՍՄԿԿ Կենտկոմի և ՍՍՀՄ Մինիստրների խորհրդի որոշմամբ մարզի սոցիալ-տնտեսական զարգացման համար առանձնացված միջոցները Ադրբեջանական ՍՍՀ կառավարությունն օգտագործում է միայն մարզի ադրբեջանական բնակավայրերի զարգացման համար, նստաշրջանը խնդրեց ժողովրդական դեպուտատների Լեոնային Ղարս քաղի մարզային սովետին դիմել ՍՍՀՄ Մինիստրների խորհրդին՝ խնդրելով նշված միջոցները տրամադրել միասնական պատվիրատուին՝ ԼՂԻՄ սովետին՝ դրանք ըստ նշանակության օգտագործելու համար:

Նստաշրջանի աշխատանքին մասնակցեց ՍՄԿԿ Կենտկոմի պատասխանատու աշխատող Բ. Ա. Նեֆեդովը: